

摘藻堂四庫全書薈要

集部

欽定四庫全書會要卷一萬七千七百四十四

集部

御定全唐詩卷三百三十九

韓愈

劉生詩

生名師命其姓劉自少軒輊非常儔棄家如遺來遠遊
東走梁宋暨揚州遂凌大江極東陬洪濤春天禹穴幽
越女一笑三年留南逾橫嶺入炎州青鯨高磨波山浮
怪魅炫曜堆蛟虬山豢謹譟猩猩遊毒氣爍體黃膏流

問胡不歸良有由美酒傾水角肥牛妖歌慢舞爛不收
倒心迴腸為青眸千金邀顧不可酬乃獨遇之盡綢繆
瞥然一餉成十秋昔鬚未生今白頭五管厯徧無賢侯
迴望萬里還家羞陽山窮邑惟猿猴手持釣竿遠相投
我為羅列陳前修芟蒿斬蓬利鋤耨天星迴環數纒周
文學穰穰困倉稠車輕御良馬力優吐哉識路行勿休
往取將相酬恩讐

鄭羣贈簞

羣嘗以侍御史佐裴均江陵愈自陽山量移江陵法曹與羣同僚

蘄州笛一作簞竹天下知鄭君所寶尤瓌竒携來當畫不

得臥一府傳看黃琉璃體堅色淨又藏節盡一作滿眼凝

滑無瑕疵法曹貧賤衆所易腰腹空大何能為自從五

月困暑濕如坐深甑遭蒸炊手磨袖拂心語口慢膚多

汗真相宜日暮歸來獨惆悵有賣直欲傾家資誰謂故

人知我意卷送八尺含風漪呼奴掃地鋪未了光彩照

耀驚童兒青蠅側翅蚤蟲避肅肅疑有清飈吹倒身甘

寢百疾愈却願天日恒炎曦明珠青玉不足報贈子相

好無時衰

豐陵行

順宗陵也在富平縣東北二十里

羽衛煌煌一百里
曉出都門葬天子
羣臣雜沓馳後先
宮宮穰穰來不已
是時新秋七月初
金神按節炎氣除
清風飄飄輕雨灑
偃蹇旗旆卷以舒
逾梁下坂笳鼓咽
喘噪遂走立宮閭
哭聲訇天百鳥噪
幽坎晝閉空靈輿
皇帝孝心深且遠
資送禮備無羸餘
設官置衛鎖嬪妓
供養朝夕象平居
臣聞神道尚清淨
三代舊制存諸書

墓藏廟祭不可亂欲言非職知何如

遊青龍寺贈崔大

一作羣

補闕

寺在京城南門之東

秋灰初吹季月管日出卯南暉景短友生招我佛寺行
正值萬株紅葉滿光華閃壁見神鬼赫赫炎官張火傘

然雲燒樹火

宋刻作大

實駢金烏下啄頰

音

虬卵魂翻眼倒

忘處所赤氣冲融無間斷有如流傳上古時九輪照燭
乾坤旱二三道士席其間靈液屢進玻黎盃忽驚顏色
變韶稚却信靈僊非怪誕桃源迷路竟茫茫棗下悲歌

徒纂纂前年嶺隅鄉思發躑躅成山開不算去歲羈帆
湘水明霜楓千里隨歸伴猿呼鷗嘯鷓鴣啼惻耳酸腸
難濯澣思君携手安能得今者相從敢辭懶由來鈍騃
矮音寡參尋況是儒官飽閒散惟君與我同懷抱鋤去陵
谷置平坦年少得途未要忙時清諫疏尤宜罕何人有
酒身無事誰家多竹門可款須知節候即風寒幸及亭
午猶妍暖南山逼冬轉清瘦刻畫圭角出崖窾當憂復
被冰雪埋汲汲來窺戒遲緩

贈崔立之評事

崔斯立字立之博陵人元和初為大理評事以言事黜官為藍

田丞

崔侯文章苦捷敏高浪駕天輸不盡曾從關外來上都
隨身卷軸車連軫朝為百賦猶鬱怒暮作千詩轉道緊
搖毫擲簡自不供頃刻青紅浮海蜃才豪氣猛易語言
往往蛟螭雜螻蚓知音自古稱難遇世俗乍見那妨哂
勿嫌法官未登朝猶勝赤尉長趨尹時命雖乖心轉壯
技能虛富家逾窘念昔塵埃兩相逢爭名齟齬持矛楯

子時專場誇齒距余始張軍嚴鞮

曉見切

鞮爾來但欲保

封疆莫學龐涓怯孫臏竄逐新歸厭聞鬪齒髮早衰嗟

可閔頻蒙怨句刺棄遺豈有閑官敢推引深藏篋笥時

一發戢戢已多如束筍可憐無益費精神有似黃金擲

虛牝當今聖人求侍從拔擢杞梓收楛筭東馬嚴徐已

奮飛枚臯即召窮且忍復聞王師西討蜀霜風冽冽摧

朝菌走章馳檄在得賢燕雀紛拏要鷹隼竊料二途必

處一豈比恒人長蠢蠢勸君韜養待徵招不用雕琢愁

肝腎牆根菊花好沽酒錢帛縱空衣可準暉暉簷日暖
且鮮搗搗井梧疎更殞高士例須憐麩蘖丈夫終莫生
畦畛能來取醉任喧呼死後賢愚俱泯泯

送區弘南歸

區或作歐唐韻區治子之後漢王莽傳有中郎區博弘嘗從愈於

江陵名拜國子博士又從至京時歸以詩送之

穆昔南征軍不歸蟲沙猿鶴伏以飛洶洶洞庭莽翠微
九疑鑿天荒是非野有象犀水貝璣分散百寶人士稀
我遷於南日周圍來見者衆莫依稀爰有區子熒熒暉

觀以彛訓或從違我念前人譬葑菲落以斧引以繆徽
雖有不逮驅駢駢或採於薄漁於磯服役不辱言不譏
從我荊州來京畿離其母妻絕因依嗟我道不能自肥
子雖勤苦終何希王都觀闕雙巍巍躅衆駮事鞍鞬
佩服上色紫與緋獨子之節可嗟唏母附書至妻寄衣
開書拆衣淚痕晞雖不敕還情庶幾朝暮盤羞惻庭闈
幽房無人感伊威人生此難餘可祈子去矣時若發機
蜃沈海底氣昇霏彩雉野伏朝扇翬處子窈窕王所妃

苟有令德隱不腓況今天子鋪德威蔽能者誅薦受襪
出送撫背我涕揮行行正直慎脂韋業成志樹來頎頎
我當為子言天扉

三星行

三星斗牛箕也愈自憫其生多訾毀如
此蘇軾云吾生時與退之相似吾命在
牛斗間其身宮亦在箕斗牛宮為
磨竭吾平生多得謗譽殆同病也

我生之辰月宿南斗牛奮其角箕張其口牛不見服箱
斗不挹酒漿箕獨有神靈無時停簸揚無善名已聞無
惡聲已謹名聲相乘除得少失有餘三星各在天什伍

東西陳嗟汝牛與斗汝獨不能神

剝啄行

剝剝啄啄有客至門我不出應客去而嗔從者語我子
胡為然我不厭客困於語言欲不出納以堙其源空堂

幽幽有秭有莞

秭莞所以為席

門以兩板叢書於間窅窅深塹

其墉甚完彼寧可隳此不可干從者語我嗟子誠難子
雖云爾其口益蕃我為子謀有萬其全凡今之人急名
與官子不引去與為波瀾雖不開口雖不開闕變化咀

嚼有鬼有神今去不勇其如後艱我謝再拜汝無復云
往追不及來不有年

青青水中蒲三首

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如
青青水中蒲葉短不出水婦人不下堂行子在萬里

孟東野失子

并序

東野連產三子不數日輒失之幾老念無後以悲

其友人昌黎韓愈懼其傷也推天假其命以喻之

失子將何尤吾將上尤天女實主下人與奪一何偏彼

於女何有乃令蕃且延此獨何罪辜生死旬日間上呼

無時聞滴地淚到泉地祇為之悲瑟縮久不安乃呼大

靈龜騎雲款天門問天主下人薄厚胡不均天曰天地

人由來不相關吾懸日與月吾繫星與辰日月相噬齧

星辰踣音匄而顛吾不女之罪知非女由因一作緣且物各

有分孰能使之然有子與無子禍福未可原魚子滿母

腹

一作肚

一一欲誰憐細腰不自乳舉族常孤鰥

一作懸

鳥

臬啄母腦母死子始翻

一作蕃

蝮蛇生子時坼裂腸與肝

好子雖云好未還恩與勤惡子不可說鴟臬蝮蛇然有

子且勿喜無子固勿歎上聖不待教賢聞語而遷下愚

聞語惑雖教無由悛大靈頓頭受即日以命還地祇謂

大靈女往告其人東野夜得夢有夫玄衣巾闔音趣然入

其戶三稱天之言再拜謝玄夫收悲以歡忻

陸渾山火和皇甫湜用其韻

湜時為陸渾尉

皇甫補官古貴

音陸字本
公羊傳

渾時當玄冬澤乾源山狂谷

很相吐吞風怒不休何軒軒擺磨出火以自燔有聲夜

中驚莫原天跳地踔顛乾坤赫赫上照窮崖垠截然高

周燒四垣神焦鬼爛無逃門三光弛隳不復噉虎熊麋

豬逮猴猿水龍鼉龜魚與黿鴉鴟鷹雉鵠鷓鴣燂魚煨

燒孰飛奔祝融告休酌卑尊錯陳齊玫闕

一作闕

華園芙

蓉披猖塞鮮繁千鍾萬鼓咽耳喧攢雜啾嘍沸麓塤彤

幢絳旃紫毒縣播炎官熱屬朱冠禪髻其肉皮通腔腎頰

胸坵腹車掀轆緹顏靺股豹兩鞬音堅霞車虹鞞日轂轡

丹旻縹蓋緋繡帑紅帷赤幕羅脹膳音血也池波風肉

陵屯谿一作谿呀鉅壑頗黎盆豆登五山瀛四尊熙熙醕

醕笑語言雷公擘山海水翻齒牙嚼齧舌腭反電光礮

先念切礮徒念切頰目暖音暄大目也頊冥收威避玄根斥棄輿

馬背厥孫縮身潛喘拳肩跟君臣相憐加愛恩命黑螭

偵音禋焚其元天闕一作闕悠悠不可援夢通上帝血面論

側身欲進叱於閭帝賜九河湔涕痕又詔巫陽反其魂

徐命之前問何冤火行於冬古所存我如禁之絕其殮
女丁婦壬傳世婚一朝結讐奈後昆時行當反慎藏蹲
視桃著花可小騫月及申酉利復怨助汝五龍從九鯤
溺厥邑囚之崑崙皇甫作詩止睡昏辭誇出真遂上焚
要余和增怪又煩雖欲悔舌不可捫

縣齋讀書

在陽山作

出宰山水縣讀書松桂林蕭條捐末事邂逅得初心哀
狄醒俗耳清泉潔塵襟詩成有共一作賦酒熟無孤斟

青竹時默釣白雲日幽尋南方本多毒北客恒懼侵謫
譴甘自守滯留愧難任投章類縞帶佇答逾兼金

新竹

筍添南堦竹日日成清閔縹節已儲一作除霜黃苞猶揜

翠出欄抽五六當戶羅三四高標陵秋嚴貞色奪春媚
稀生巧補林併出疑爭地縱橫乍依行爛漫忽無次風
枝未飄吹露粉先涵淚何人可攜翫清景空瞪視

晚菊

少年飲酒時踴躍見菊花今來不復飲每見恒咨嗟佇
立摘滿手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已餘

存

一作
在

皆動搖盡落應始止憶初落一時但念豁可恥

及至落二三始憂衰即死每一將落時慄慄恒在已又
牙妨食物顛倒怯漱水終焉捨我落意與崩山比今來
落既熟見落空相似餘存二十餘次第知落矣儻常歲

落一自足支兩紀如其落併空與漸亦同指人言齒之
落壽命理難恃我言生有涯長短俱死爾人言齒之豁
左右驚諦視我言莊周云水一作木雁各有喜語訛默固
好嚼廢軟還美因歌遂成詩持用詫妻子

哭楊兵部凝陸歙州參

人皆

一作生

期七十纔半豈蹉跎併

一作數

出知己淚自然

白髮多晨興為誰慟還坐久滂沱論文

一作新墳

與晤語

一作

宿已矣可

一作兩又作復

如何

苦寒

四時各平分一氣不可兼隆寒奪春序顛項固不廉太

昊弛維網

一作維網

畏避但守謙遂令黃泉下萌牙天句尖

草木不復抽百味失苦甜凶飈攪宇宙鋌刃甚割砭日

月雖云尊不能活烏蟾羲和送日出恒怯頻窺覘炎帝

持祝融呵噓不相炎而我當此時恩光何由沾肌膚生

鱗甲衣被如刀鑱氣寒鼻莫齟血凍指不拈濁醪涕入

喉口角如銜箝將持匕箸食觸指如排籤侵爐不覺暖

熾炭屢已添探湯無所益何況續與鱓虎豹僵穴中蛟
螭死幽潛熒惑喪纏次六龍冰脫髯芒碭音宕大包内生
類恐盡殲啾啾窗間雀不知已微纖舉頭仰天鳴所願
晷刻淹不如彈射死却得親魚燂鸞皇苟不存爾固不
在占其餘蠢動儔俱死誰恩嫌伊我稱最靈不能女覆
苦悲哀激憤歎五藏難安恬中宵倚牆立淫淚何漸漸
天王哀無辜惠我下顧瞻褰旒去耳續調和進梅鹽賢
能日登御黜彼傲與儉生風吹死氣豁達如褰簾懸乳

零落墮晨光入前簷雪霜頓銷釋土脉膏且黏豈徒蘭
蕙榮施及艾與兼日萼行鑠鑠風條坐襜襜天乎苟其
能吾死意亦厭

和虞部盧四

汀

酬翰林錢七

徽

赤藤杖歌

元和四年

分司東
都作

赤藤為杖世未窺臺郎始攜自滇池滇王掃宮避使者
跪進再拜語噀乙骨切 咿繩橋拄過免傾墮性命造次蒙
扶持途經百國皆莫識君臣聚觀逐旌麾共傳滇神出

水獻赤龍拔鬚血淋漓又云羲和操火鞭暝到西極睡
所遺幾重包裹自題署不以珍怪誇荒夷歸來捧贈同
舍子浮光照手欲把疑空堂晝眠倚牖戶飛電著壁搜
蛟螭南宮清深禁闈密唱和有類吹埴篴妍辭麗句不
可繼見寄聊且慰分司

崔十六少府攝伊陽以詩及書見投因酬三十
韻

崔君初來時相識頗未慣但聞赤縣尉不比博士慢賃

屋得連牆往來忻莫間我時亦新居觸事苦難辦蔬飧

要同喫破襖請來綻謂言安堵後貸借更何患不知孤

遺多舉族仰薄宦有時未朝餐得米日已晏隔牆聞謹

呼衆口極鵝雁前計頓乖張居然見真贗嬌兒好眉眼

袴脚凍兩骨下晏切捧書隨諸兄累累兩角巾冬惟茹寒

齏秋始識瓜瓣問之不言飢飫若厭芻豢才名三十年

久合居給諫白頭趨走裏閉口絕謗訕府公舊同袍拔

擢宰山澗寄詩雜詼俳有類說鵬鷄上言酒味酸冬衣

竟未掇音患下言人吏稀惟足彪與麇音棧又言致豬鹿此

語乃善幻三年國子師腸肚習藜莧況住洛之涯魴鱒

可罩汕

音汕 罾謂之汕 籠謂之罩 捕魚籠也

有效屠門嚼久嫌弋者篡謀

拙日焦拳活計似鋤剗一作鏟男寒澀詩書妻瘦剩腰襍

普患切為官不事職厥罪在欺謾一作慢行當自劾去漁釣

老葭亂五患切歲窮寒氣驕冰雪滑磴棧音問難屢通何

由覲清盼

送侯參謀赴河中幕侯繼時從王諤辟

憶昔初及第各以少年稱君頤始生鬚我齒清如冰爾

時心氣壯百事謂已能一別詎幾何忽如隔晨興我齒

豁可鄙君顏老可憎相逢風塵中相視迭嗟矜幸同學

省官末路再得朋東司絕教授遊晏以為恒秋漁蔭密

樹夜博然明燈雪逕抵樵叟風廊折談僧陸渾桃花間

有湯沸如烝三月崧少步躑躅紅千層洲沙厭晚坐嶺

壁窮晨升沈冥不計日為樂不可勝遷滿一已異乖離

坐難憑行行事結束人馬何躑躅感激生膽勇從軍豈

嘗曾洗洗司徒公

時王錡檢校司徒為河南尹

天子爪與肱提師十

萬餘四海欽風稜河北兵未進

時討王承宗吐突承瑋督師逗留不進

蔡

州帥新薨

吳少誠卒弟少陽自稱留後

曷不請掃除活彼黎與烝鄙

夫誠怯弱受恩媿徒弘猶思脫儒冠棄死取先登又欲

面言事上書求詔徵侵官固非是妄作譴可懲惟當待

責免耕斲歸溝塍

音乘

今君得所附勢若脫鞴鷹檄筆無

與讓幕謀職其膺收績開史牒翰飛逐溟鵬男兒貴立

事流景不可乘歲老陰沴作雲顏雪翻崩別袖拂洛水

征車轉峻陵，勤勤酒不進。勉勉恨已仍，送君出門歸。愁腸若牽繩，默坐念語笑。癡如遇寒蠅，策馬誰可適。晤言誰為應，席塵惜不掃。殘尊對空凝，信知後會時。日月屢環絙，生期理行役。歡緒絕難承，寄書惟在頻。無恡簡與繒。

東都遇春

少年氣真

一作直

狂有意與春競，行逢二三月。九州花相

映，川原曉服鮮。桃李晨妝靚，荒乘不知疲。醉死豈辭病。

飲噉惟所便文章倚豪橫爾來曾幾時白髮忽滿鏡舊

遊喜乖張新輩足嘲評

音病

心腸一變化羞見時節盛得

閒無所作貴欲辭視聽深居疑避仇默臥如當瞑朝曦

入牖來鳥喚昏不醒為生鄙計算鹽米告屢

一作屢告

罄坐

疲都忘起冠側懶復正幸蒙東都官獲離機與穿乖慵
遭傲僻漸染生弊性既去焉能追有來猶莫騁有船魏

王池

河南志云洛水經尚善旌蓋二坊之北南溢為池
深處至數頃水鳥翔泳荷芰翻覆為都城之勝貞

觀中以賜魏王
泰故號魏王池

往往縱孤泳水容與天色此處皆綠淨

岼樹共紛披渚牙相緯經

一作徑

懷歸苦不果即事取幽

迸貪求匪名利所得亦已併悠悠度朝昏落落捐季孟

羣公一何賢上戴天子聖謀謨收禹績

一作跡

四面出雄

勁轉輸非不勤稽逋有軍令在庭百執事奉職各祇敬
我獨胡為哉坐與億兆慶譬如籠中鳥仰給活性命為
詩告友生負愧終究竟

感春五首

分司東都作

辛夷高花最先開青天露坐始此迴已呼孺人戛鳴瑟

更遣稚子傳清杯
選壯軍興不為用
坐狂朝論無由陪

如今到死得閒處
還有詩賦歌康哉

憲宗即位平夏平蜀平河東赫然中

興而愈年踰強仕授
閒分司故有此言

洛陽東風幾時來
川波岼柳春全迴
宮門一鎖不復啟
雖有九陌無塵埃
策馬上橋朝日出
樓闕赤白正崔嵬
孤吟屢闕莫與和
寸恨至短誰能裁

春田可耕時已催
王師北討何當迴

時討成德王承宗

放車載

草農事濟戰馬苦
飢誰念哉蔡州納
節舊將死

時彰義節度吳

少誠

起居諫議聯翩來

斐度以河南府功曹召為起居舍人孟簡孔戣皆為諫議大夫

朝廷未省有遺策肯不垂意竝與壘

前隨杜尹

兼

拜表迴笑言溢口何歡咄孔丞

戡

別我適

臨汝風骨峭峻遺塵埃音容不接祇隔夜凶訃詎可相
尋來天公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日
薄暮耿耿和煙埃朝明夕暗已足歎況乃滿地成推頽
迎繁送謝別有意誰肯留戀少環迴

酬裴十六功曹巡府西驛塗中見寄

裴十六度也
監察御

史出為河南府功曹時
故相鄭餘慶為河南尹

相公罷論道聿至活東人
御史坐言事作吏府中塵
遂令河南治今古無儔倫
四海日富庶道途隘蹄輪
府西三百里候館同魚鱗
相公謂御史勞子去自巡
是時山水秋光景何鮮
新哀鴻鳴清耳宿霧褰
高旻遺我行旅詩軒軒有
風神譬如黃金盤照耀荆
璞真我來亦已幸事賢友
其仁持竿洛水側孤坐屢
窮辰多才自勞苦無

用祇因循辭免期匪遠行行及山春

燕河南府秀才得生字

吾皇紹祖烈天下再太平詔下諸郡國歲貢鄉曲英元
和五年冬房公式尹東京功曹上言公是月當登名乃

選二十縣試官得鴻生羣儒負已材相賀簡擇精怒起
簸羽翮引吭吐鏗轟此都自周公文章繼名聲自非絕
殊尤難使耳目驚今者遭震薄不能出聲鳴鄙夫忝縣
尹愧慄難為情惟求文章寫不敢妬與爭還家敕妻兒

具此煎魚烹柿紅蒲萄紫肴果相扶檠

一作檠

芳茶

諸本多作

茶出蜀門好酒濃且清何能充歡燕庶以露厥誠昨聞

詔書下

一作來

權公作邦楨

權德輿為相

文人得其職文道當

大行陰風攪短日冷雨澀不晴勉哉戒徒馭家國遲子
榮

送李翱

翱娶愈兄弇之女與愈善楊於陵為廣州刺史表翱住其府

廣州萬里途山重江逶迤行行何時到誰能定歸期揖
我出門去顏色異恒時雖云有追一作迎送足跡絕自茲

人生一世間不自張與弛譬如浮江木縱橫豈自知寧
懷別時苦勿作別後思

送石洪處士赴河陽幕得起字

洪字濟川洛陽人元和五年烏

重裔為河陽節度使辟為叅謀

長把種樹書人云避世士忽騎將軍馬自號報恩子風

雲入壯懷泉石別幽耳鉅鹿師欲老常山險猶恃

時冀鎮王

承宗反以兵討之無功遂赦承宗

豈惟彼相憂固是吾徒恥去去事方

急酒行可以起

送湖南李正字歸

英華作送李礎
判官歸湖南

長沙入楚深，洞庭值秋晚。
人隨鴻雁少，江共蒹葭遠。
厯厯余所經，悠悠子當返。
孤遊懷耿介，食宿夢婉婉。
風土稍殊音，魚蝦日異飯。
親交俱在此，誰與同息偃。


御定全唐詩卷三百三十九

謹案卷三百三十七第一頁後五行欲往不得行
按別本行作驥

第一頁後七行聞子適及城按別本城作牆

卷三百三十九第九頁後二行女丁婦壬傳世婚
按別本女作夫





總校官庶吉士臣張能照

校對官中書臣張 塤

謄錄監生臣鄧肇槐

欽定四庫全書薈要

集部

欽定全唐詩卷三百四十二

四十二

欽定四庫全書薈要卷一萬七千七百四十五集部

御定全唐詩卷三百四十

韓愈

辛卯年雪

和
六年春寒氣不肯歸河南二月末雪花一尺圍崩

騰相排拶

子達切又子末切

龍鳳交橫飛波濤何飄揚天風吹

旛旂白帝盛羽衛鬚髻振裳衣白霓先啓途從以萬玉
妃翕翕陵厚載譁譁弄陰機生平未曾見何暇議是非

或云豐年祥飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生
並世如何復躡二子蹤東野不得官白首誇龍鍾韓子
稍姦黠自慙青蒿倚長松低頭拜東野願得終始如駟
蛩東野不迴頭有如寸筵撞鉅鐘我願身為雲東野變
為龍四方上下逐東野雖有離別無由逢

李花二首

平旦入西園，梨花數株若矜夸。旁有一株李，顏色慘慘
似含嗟。問之不肯道，所以獨繞百匝。至日斜，忽憶前時
經此樹，正見芳意初萌芽。奈何趁酒不省錄，不見玉枝
攢霜葩。泣然為汝下雨淚，無由反旆羲和車。東風來吹
不解顏，蒼茫夜氣生相遮。冰盤夏薦碧實脆，斥去不御
慚其花。

當春天地爭奢華，洛陽園苑尤紛拏。誰將平地萬堆雪
翦刻作此連天花。日光赤色照未好，明月暫入都交加。

夜領張徹投盧仝乘雲共至玉皇家長姬香御四羅列
縞裳練悅無等差靜濯明妝有所奉顧我未肯置齒牙
清寒瑩骨肝膽醒一生思慮無由邪

招楊之果

之果憲宗元和十一年進士愈為河南令之果自中山來相從問學惜其歸以詩招之

柏生兩石間萬歲終不大野馬不識人難以駕車蓋柏
移就平地馬羈入廐中馬思自由悲柏有傷根容傷根
柏不死千丈日以至馬悲罷還樂振迅矜鞍轡之果南
山來文字得我驚館置使讀書日有求歸聲我令之果

歸失得柏與馬之眾別我去計出柏馬下我自之眾歸
入門思而悲之眾別我去能不思我為灑埽縣中居引
水經竹間囂譁所不及何異山中閒前陳百家書食有
肉與魚先王遺文章綴緝實在余禮稱獨學陋易貴不
遠復作詩招之眾晨夕抱飢渴

寄盧仝

憲宗元和六年
河南令時作

玉川先生洛城裏破屋數間而已矣一奴長鬚不裹頭
一婢赤脚老無齒辛勤奉養十餘人上有慈親下妻子

先生結髮憎俗徒閉門不出動一紀至今鄰僧乞米送

僕忝縣尹能不恥俸錢供給公私餘時致薄少助祭祀

勸參留守

鄭餘慶

謁大尹

李素

言語纔及輒掩耳水北山人

石洪得名聲去年去作幕下士水南山人

温造

又繼往鞍馬

僕從塞閭里少室山人

李渤

索價高兩以諫官徵不起彼

皆刺口論世事有力未免遭驅使先生事業不可量惟

用法律自繩已春秋三傳束高閣獨抱遺經究終始往

年弄筆嘲同異怪辭驚衆謗不已近來自說尋坦途猶

上虛空跨駿馱去年

一作歲

生兒名添丁意令與國充耘

耔國家丁口連四海豈無農夫親耒耜先生抱才終大
用宰相未許終不仕假如不在陳力列立言垂範亦足
恃苗裔當蒙十世宥豈謂貽厥無基趾故知忠孝生天
性潔身亂倫安足擬昨晚長鬚來下狀隔牆惡少惡難
似每騎屋山一作上下窺闕渾舍驚怕走折趾憑依婚媾
欺官吏不信令行能禁止先生受屈未曾語忽此來告
良有以嗟我身為赤縣令操權不用欲何俟立召賊曹

呼伍伯盡取鼠輩尸諸市先生又遣長鬚來如此處置
非所喜況又時當長養節都邑未可猛政理先生固是
余所畏度量不敢窺涯涘放縱是誰之過歟效尤戮僕
愧前史買羊沽酒謝不敏偶逢明月曜桃李先生有意
許降臨更遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望躡龍尾
倚天更覺青巉巖自知短淺無所補從事久此穿朝衫

歸來得便即遊覽
看似壯馬脫重銜
曲江荷花蓋十里
江湖生目思莫緘
樂遊下矚無遠近
綠槐萍合不可芟
白首寓居誰借問
平地寸步局雲巖
雲夫吾兄有狂氣
嗜好與俗殊酸鹹
日來省我不肯去
論詩說賦相誦誦
望秋一章已驚絕
猶言低抑避謗讒
若使乘酣騁雄怪
造化何以當鐫劖
嗟我小生值強伴
怯膽變勇神明鑒
馳坑跨谷終未悔
為利而止真貪饒
高揖羣公謝名譽
遠追甫白感至誠
樓頭完月不共宿
其奈就缺行攔攔

所咸切一
作織織

誰氏子

呂炁河南人元和中棄其妻著道士服謝母曰當學仙王屋山去數月復出見

河南少尹李素素立之府門使吏卒脫道士服給冠帶送付其母

非癡非狂誰氏子去入王屋稱道士白頭老母遮門啼
挽斷衫袖留不止翠簪新婦年二十載送還家哭穿市
或云欲學吹鳳笙所慕靈妃媿蕭史又云時俗輕尋常
力行險怪取貴仕神僊雖然有傳說知者盡知其妄矣
聖君賢相安可欺乾死窮山竟何俟嗚呼余心誠豈弟

願往教誨究終始罰一勸百政之經不從而誅未晚耳
誰其友親能哀憐寫吾此詩持送似

河南令舍池臺

灌池纔盈五六丈築臺不過七八尺欲將層級壓籬落
未許波瀾量斗石規摹雖巧何足誇景趣不遠真可惜
長令人吏遠趨走已有蛙黽助狼籍

送無本師歸范陽

賈島初為浮屠名無本

無本於為文身大不及膽吾嘗示之難勇往無不敢蛟

龍弄角牙造次欲手攬衆鬼囚大幽下覷襲玄窗音啖天

陽熙四海注視首不頷

一作頷頷
低頭也

鯨鵬相摩宰

音速

兩舉

快一噉夫豈能必然固已謝黥音啖狂詞肆滂葩低昂

見舒慘姦窮怪變得往往造平澹蚤蟬碎錦纈綠池披

菡菳芝英擢荒榛孤翮起連蔘家住幽都遠未識氣先

感來尋吾何能無殊嗜昌歎

祖感切

始見洛陽春桃枝綴

紅糝遂來長安里時卦轉習坎

愈遷職方員外郎島
來引時十一月故云

老

嬾無鬪心久不事鉛槧欲以金帛酬舉室常顧

音坎

頷念

當委我去雪霜刻以憚猙颯攪空衢天地與頓撼勉率吐歌詩慰女別後覽

石鼓歌

歐陽修集古錄云石鼓文在岐陽初不見稱於世至唐人始盛稱之而韋應物

以為周文王之鼓至宣王刻詩爾韓退之直以為宣王之鼓在今鳳翔孔子廟鼓有十先時散棄於野鄭餘慶始置於廟而亡其二皇祐四年向傳師求於民間得之十鼓乃足石鼓文可見者其略曰我車既攻我馬既同又曰我車既好我馬既駒君子員獵員獵員游麋鹿速速君子之求又曰左驂旂旂右驂駢駢秀弓時射麋豕孔庶又曰其魚維何維鱣維鯉何以橐之維

楊與柳

張生手持石鼓文

生即籍

勸我試作石鼓歌少陵無人謫

仙死才薄將奈石鼓何周網陵遲四海沸宣王憤起揮
天戈大開明堂受朝賀諸侯劔佩鳴相磨蒐于岐陽騁
雄俊萬里禽獸皆遮羅鐫功勒成告萬世鑿石作鼓隳
嵯峨從臣才藝咸第一揀選撰刻留山阿雨淋日炙野
火燎鬼物守護煩撓呵公從何處得紙本毫髮盡備無
差訛辭嚴義密讀難曉字體不類隸與科年深豈免有
缺畫快劔斫斷生蛟鼉鸞翔鳳翥衆僊下珊瑚碧樹交

枝柯金繩鐵索鎖紐壯古鼎躍水龍騰梭陋儒編詩不
收入二雅褊迫無委蛇孔子西行不到秦倚撫星宿遺
義娥嗟予好古生苦晚對此涕淚雙滂沱憶昔初蒙博
士徵其年始改稱元和故人從軍在右輔為我度量一作

量掘白科濯冠沐浴告祭酒如此至寶存豈多羶包席

裏可立致十鼓祇載數駱駝薦諸太廟比郢鼎光價豈
止百倍過聖恩若許留太學諸生講解得切磋觀經鴻
都尚填咽坐見舉國來奔波剡苔別蘚露節角安置妥

帖平不頗大厦深檐與蓋覆經歷久遠期無佗中朝大
官老於事詎肯感激徒媠音媠阿音阿牧童敲火牛礪角誰
復著手為摩挲日銷月鑠就埋沒六年西顧空吟哦義
之俗書趁姿媚數紙尚可博白鵝繼周八代爭戰罷無
人收拾理則那方今大平日無事柄任儒術崇丘軻安
能以此上論列願借辨口如懸河石鼓之歌止於此嗚
呼吾意其蹉跎

雙鳥詩

雙鳥海外來飛飛到中州一鳥落城市一鳥集巖幽不
得相伴鳴爾來三千秋兩鳥各閉口萬象銜口頭春風
卷地起百鳥皆飄浮兩鳥忽相逢百日鳴不休有耳聒
皆聾有口反自羞百舌舊饒聲從此恒低頭得病不呻
喚泯默至死休雷公告天公百物須膏油自從兩鳥鳴
聒亂雷聲收鬼神怕嘲詠造化皆停留草木有微情挑
抉示九州蟲鼠誠微物不堪苦誅求不停兩鳥鳴百物
皆生愁不停兩鳥鳴自此無春秋不停兩鳥鳴日月難

旋轉不停兩鳥鳴大法失九疇周公不為公孔丘不為
丘天公怪兩鳥各捉一處囚百蟲與百鳥然後鳴啾啾
兩鳥既別處閉聲省愆尤朝食千頭龍暮食千頭牛朝
飲河生塵暮飲海絕流還當三千秋更起鳴相酬

贈劉師服

一作命

羨君齒牙牢且潔大肉硬餅如刀截我今呀

一作牙

豁落

者多所存十餘皆兀髑匙抄爛飯穩送之合口輒嚼如
牛呵妻兒恐我生悵望盤中不飭粟與梨祇今年纔四

十五後日懸知漸莽鹵朱顏皓頸訝莫親此外諸餘誰
更數憶昔太公仕進初口含兩齒無羸餘虞翻十三比
豈少遂自惋恨形於書丈夫命存百無害誰能點檢形
骸外巨緡東釣儻可期與子共飽鯨魚膾

題炭谷湫祠堂

在京兆之南終南之下祈雨之所也南山秋懷詩皆見之

萬生

一作物

都陽明幽暗鬼所寰嗟龍獨何智出入人鬼

間不知誰為助若執造化闕厭處平地水巢居插天山
列峰若攢指石盃仰環環巨靈高其捧保此一掬慳森

沈固含蓄本以儲陰奸魚鼈蒙擁護羣嬉傲天頑顚顚
喧^音棲託禽飛飛一何閒祠堂像侔真擢玉紆煙鬟羣怪
儼伺候恩威在其顏我來日正中悚惕思先還寄立尺
寸地敢言來途艱吁無吹毛刃血此牛蹄殷至今乘水
旱鼓舞寡與鰥林叢鎮冥冥窮年無由刪妍英雜豔實
星瑣黃朱斑石級皆險滑顛躋莫牽攀龍_{宋刻}區_作離衆
碎付與宿已頒棄去可奈何吾其死茅菅

聽穎

_{一作穎}

師彈琴

昵昵

一作
昵

兒女語恩怨相爾汝劃然變軒昂勇士赴敵

場浮雲柳絮無根蒂天地闊遠隨飛揚喧啾百鳥羣忽

見孤鳳皇躋攀分寸不可上失勢一落千丈強嗟余有

兩耳未省聽絲篁自聞穎師彈起坐在一旁

一作
牀

推手

遽止之濕衣淚滂滂穎乎爾誠能無以冰炭置我腸

送陸暢歸江南

暢娶董溪女溪丞相晉第二子
愈嘗為晉從事故云門下士

舉舉江南子

唐人以舉止
端麗為舉舉

名以能詩聞一來取高第官

佐東宮軍迎婦丞相府誇映秀士羣鸞鳴桂樹間觀者

何續紛人事喜顛倒旦夕異所云蕭蕭青雲幹遂逐荆
棘焚歲晚鴻雁過鄉思見新文踐此秦關雪家彼吳洲
雲悲啼上車女骨肉不可分感慨都門別丈夫酒方醺
我實門下士力薄蚋與蚊受恩不即報永負湘中墳

送進士劉師服東歸

猛虎落檻穿坐食如孤狔丈夫在富貴豈必守一門公
心有勇氣公口有直言奈何任埋沒不自求騰軒僕本
亦進士頗嘗究根源由來骨鯁材喜被輭弱吞低頭受

侮笑隱忍，兀冤泥雨。城東路夏槐，作雲屯還家。雖闕短指日親晨飧，攜持令名歸自足。貽家尊時節，不可翫親交。可攀援，勉來取金紫，勿久休中園。

嘲魯連子

齊田巴辨於祖丘，議於稷，下一日而服千人。有徐劫弟子曰魯連，年十二

謂劫曰：臣願當田子使，不得復說魯連。往見田巴巴，於是杜口易業，終身不談。

魯連細而

一作兒

黠，有似黃鸚子田巴。兀老蒼憐汝，矜爪

嘴開端，要驚人雄跨。吾厭矣高拱禪，鴻聲若輟

一作一

杯水，獨稱唐虞賢。顧未知之耳。

贈張籍

吾老著

嗜一作

讀書餘事不挂眼有兒雖甚憐教示不免

簡君來好呼出踉蹌越門限懼其無所知見則先媿赧
昨因有緣事上馬插手版留君住廳食使立待盤饒薄
暮歸見君迎我笑而莞指渠相賀言此是萬金產吾愛
其風骨粹美無可揀試將詩義授如以肉貫帶音產開祛
露毫末自得高蹇嗒我身蹈丘軻爵位不早縮固宜長
有人文章紹編剗感荷君子德悅若乘朽棧召令吐所

記解摘了瑟個顧視窗壁間親戚競覘鬻音滿喜氣排寒
冬逼耳鳴覘眈如今更誰恨便可耕灞滻

調張籍

李杜文章在光燄萬丈長不知羣兒愚那用故謗傷蚍
蜉撼大樹可笑不自量伊我生其後舉頸遙相望夜夢
多見之晝思反微茫徒觀斧鑿痕不矚治水航想當施
手時巨刃磨一作摩天揚垠崖劃崩豁乾坤擺雷礮惟此
兩夫子家居率荒涼帝欲長吟哦故遣起且僵翦翎送

籠中使看百鳥翔平生千萬篇金鱣垂琳琅仙官敕六
丁雷電下取將流落人間者太山一毫芒我願生兩翅
捕逐出八荒精誠忽交通百怪入我腸刺手拔鯨牙舉
瓢酌天漿騰身跨汗漫不著織女襄顧語地上友經營
無太忙乞君飛霞佩與我高頡頏

盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天

井溢

天井關名在太行山上水經曰天井溪
出天井關北流注白水世謂之北流泉

誰把長劍

倚太行衝風吹破落天外飛雨白日灑洛陽東蹈燕川

食曠野有饋木蕨芽滿筐馬頭溪

溪名

深不可厲借車載

過水入箱平沙綠浪榜方口

地名

雁鴨飛起穿垂楊窮探

極覽頗恣橫物外日月本不忙歸來辛苦欲誰為坐令

再往之計墮眇芒閉門長安三日雪推書撲筆歌慨慷

旁無壯士遣屬和遠憶盧老詩顛狂開緘忽覩送歸作

字向紙上皆軒昂又知李侯竟不顧方冬獨入崔嵬藏

我今進退幾時決十年蝨蝨隨朝行家請官供不報答

何無一作

異雀鼠偷太倉行抽手版付丞相不待彈劾還

耕桑

寄皇甫湜

湜睦州新安人

敲門驚晝睡問報睦州吏手把一封書上有皇甫字拆

書放牀頭涕與淚垂四

一作泗

昏昏還就枕惘惘夢相值

悲哉無竒術安得生兩翅

病中贈張十八

中虛得暴下避冷臥北窗不蹋曉鼓朝安眠聽逢逢籍

也處閭里抱能未施邦文章自娛戲金石日擊撞龍文

百斛鼎筆力可獨扛談舌久不掉非君亮誰雙扶几導

之言曲節初撻撻音窗半途喜開鑿派別失大江吾欲盈

其氣不令見麾幢牛羊滿田野解旆束空杠傾尊與斟

酌四壁堆罌缸玄帷隔雪風照爐釘明缸夜闌縱掉音擺

闔哆口疏眉厖勢侔高陽翁坐約齊橫降音杭連日挾所

有形軀頓脗音滂肛將歸乃徐謂子言得無咙音厖回軍與

角逐斫樹收窮龐雌聲吐欵要酒壺綴羊腔君乃崑崙

渠籍乃嶺頭瀧譬如蟻蛭微詎可陵崆峒幸願終賜之
斬拔枿與椿從此識歸處東流水淙淙

雜詩

古史散左右詩書置後前豈殊蠹書

一作書蠹

蟲生死文字

間古道自愚蠢

一作蠢一作蠢

古言自包纏當今固殊古誰與

為欣歡獨攜無言子共升崑崙顛長風飄襟裾遂起飛
高圓下視禹九州一塵集豪端遨嬉未云幾下已億萬
年向者夸奪子萬墳厭其巔惜哉抱所見白黑未及分

慷慨為悲咤淚如九河翻指摘相告語雖還今誰親
翩然下大荒被髮騎騏驎

寄崔二十六立之

西城員外丞

元和初立之以前大理評事黜官再轉為藍田縣丞西城謂藍田也

心迹兩

屈竒往歲戰詞賦不將勢力隨下驢入省門左右驚紛

披傲兀坐試席深叢

一作巖

見孤罨文如翻水成初不用

意為四座各低面不敢捩眼窺升階揖侍郎

立之中元和四年進

士第知舉侍郎劉太真

歸舍日未啟佳句喧衆口考官敢瑕疵連

年收科第若摘額底髭回首卿相位通途無他歧豈論
校書郎袍笏光參差童穉見稱說祝身得如斯儕輩妒
且熱喘如竹筒吹老婦願嫁女約不論財貲老翁不量
分累月答其兒攪攪爭附託無人角雄雌由來人間事
翻覆不可知安有巢中鷲音寇插翅飛天陞駒麕著爪牙
猛虎借與皮汝頭有韁繫汝脚有索縻陷身泥溝間誰
復稟指搗不脫吏部選可見偶與竒又作朝士貶得非
命所施客居京城中十日營一炊逼迫走巴蠻一作戀恩

愛座上離昨來漢水頭始得完孤羈

行音

挂新衣裳盍

棄食殘糜苟無飢寒苦那用分高卑憐我還好古宦途

同險巖每旬遺我書竟歲無差池新篇奚其思風幡肆

逶迤又論諸毛功劈水看蛟螭雷電生

睽音

賜

音

角鬣

相撐披屬我感窮景抱華不能摛唱來和相報媿歎俾

我疵又寄百尺綵緋紅相盛衰巧能喻其誠深淺抽肝

脾開展放我側方餐涕垂匙朋交日凋謝存者逐利移

子寧獨迷誤綴綴意益彌舉頭庭樹豁狂飈卷寒曦迢

遞山水隔何由應塤麓別來就十年君馬記駟驪長女

當及事誰助出悅縞諸男皆秀朗幾能守家規文字銳

氣在輝輝見旌麾摧腸與感容能復持酒卮我雖未耄

老髮禿骨力羸所餘十九齒飄飄盡浮危玄花著兩眼

視物隔襤褸

唐本作視物劇隔襤褸

燕席謝不詣游鞍懸莫騎敦敦

凭書案壁言彼鳥黏穉

丑知切

且吾聞之師不以物自隳孤

豚眠糞壤不慕太廟犧君看一時人幾輩先騰馳過半

黑頭死陰蟲食枯骨

音疵殘骨

歡華不滿眼咎責塞兩儀觀

名計之利

一作實

詎足相陪裨仁者恥貪冒受祿量所宜

無能食國惠豈異哀癘罷久欲辭謝去休令衆睢睢

隋音

況又嬰疹疾寧保軀不貲不能前死罷內實慙神祇舊

籍在東郡茅屋枳棘籬還歸非無指灞渭揚春澌生兮

耕吾疆死也埋吾陂文書自傳道不仗史筆垂夫子固

吾黨新恩釋銜羈去來伊洛上相待安眾

音孤

音草

我有雙飲

餞其銀得朱

音殊

音提

黃金塗物象雕鐫妙工倕乃令千

里鯨么麼微螽斯猶能爭明月擺掉出渺瀰野草花葉

細不辨蕢菜施繇繇相糾結狀似環城陣四隅芙蓉樹
擢豔皆猗猗鯨以興君身失所逢百罹月以喻夫道儻
勉勵莫虧草木明覆載妍醜齊榮萎願君恒御之行止
雜燧觴異日期對舉當如合分支

通鑑元魏熙平元年
立法在軍有功者行

臺給券當中豎裂一支給勲人一支送門下以防偽巧
今人亦謂析產符契為分支帳即此義也愈以雙觥之
一贈崔故
末句如此

月蝕詩效

閣本
作刪

玉川子作

憲宗元和五年
時為河南令

元和庚寅斗插子月十四日三更中森森萬木夜僵立

寒氣負

戲音

頤

備音

頑無風月形如白盤完完上天東忽然

有物來噉之不知是何蟲如何至神物遭此狼狽凶星

如撒沙出攢集爭強雄油燈不照席是夕吐燄如長虹

玉川子涕泗下中庭獨行

獨下或
有自字

念此日月者為天之

眼睛此猶不自保吾道何由行嘗聞古老言疑是蝦蟇

精徑圓千里納女腹何處養女百醜形把

一作
爬

沙脚手

鈍誰使女解緣青冥黃帝有四目帝舜重其明今天祇

兩目何故許食使偏盲堯呼大水浸十日不惜萬國赤

子魚頭生女於此時若食日雖食八九無噉名赤龍黑

鳥

日下三足鳥也

燒口熱翎鬣倒側相搪撈婪酣大肚遭一飽

飢腸徹死無由鳴後時食月罪當死天羅磕

音

榼而何處

逃汝刑玉川子立於庭而言曰地行賤臣全再拜敢告

上天公臣有一寸刃可剗凶墓腸無梯可上天天階無

由有臣蹤寄賤東南風天門西北祈風通丁寧附耳莫

漏泄薄命正值飛廉慵東方青色龍牙角何呀呀從官

百餘座嚼啜煩官家月蝕汝不知安用為龍窟天河赤

鳥司南方尾秃翅鰭

陟加切角上張也字亦作鱗

沙月蝕于汝頭汝

口開呀呀蝦蟆掠汝兩吻過忍學省事不以汝觜啄蝦

墓於菟蹲於西旗旄衛毳

音參 音沙

既從白帝祠又食於

蜡禮有加忍令月被惡物食枉於汝口插齒牙烏龜怯

姦怕寒縮頸以殼自遮終令夸蛾

列子夸蛾氏二子負二山蓋有神力者

扶汝出卜師燒錐鑽灼滿板如星羅此外内外官

天文志經

星常宿中外官百十八名七百八十三星

瑣細不足科臣請悉埽除慎勿許

語令啾譁并光全耀歸我月盲眼鏡淨無纖瑕弊

一作斲

蛙拘送主府官帝箸下腹嘗其蟠依前使免操杵白玉
階桂樹間婆娑姮娥還宮室太陽有室家天雖高耳屬
地感臣赤心使臣知意雖無明言潛喻厥旨有氣有形
皆吾赤子雖忿大傷忍殺孩穉還汝月明安行于次盡
釋衆罪以蛙磔死

孟生詩

文粹作孟先生詩 孟郊下
第送之謁徐州張建封也

孟生江海士古貌又古心嘗讀古人書謂言古猶今作
詩三百首官默咸池音騎驢到京國欲和熏風琴豈識

天子居九重鬱沈沈一門百夫守無籍不可尋
晶光蕩相射旗戟翩以森遷延乍却走驚怪靡自任
舉頭看白日泣涕下霑襟
謁來遊公卿莫肯低華簪
諒非軒冕族應對多差參
萍蓬風波急桑榆日月侵
奈何從進士此路轉嶮欽
欽音異質忌處羣孤芳難寄林
誰憐松桂性競愛桃李
陰朝悲辭樹葉夕感歸巢禽
顧我多慷慨窮檐時見臨
清宵靜相對髮白聆苦吟
采蘭起幽念眇然望東南
秦吳修且阻兩地無數金
我論徐方牧好古天下

欽竹實鳳所食德馨神所歆求觀衆丘小必上泰山岑
求觀衆流細必泛滄溟深子其聽我言可以當所箴既
獲則思返無為久滯淫卞和試三獻期子在秋砧

射訓狐

德宗時裴延齡韋渠牟等用事
人爭出其門詩意有所諷也

有鳥夜飛名訓狐務凶挾狡誇自呼

唐五行志休留一名訓
狐或曰訓狐其聲也因

以名

乘時陰黑止我屋聲勢慷慨非常麤安然大喚誰

畏忌造作百怪非無須聚鬼徵妖自朋扇擺掉拱楠頽
墜塗慈母抱兒怕入席那暇更護雞窠雛我念乾坤德

泰大卵此惡物常勤劬縱之豈即遽有害斗柄行拄西
南隅誰謂停奸計尤劇意欲唐突羲和烏侵更厯漏氣
彌厲何由僥倖休須臾咨余往射豈得已候女兩眼張
睚盱臯驚墮梁蛇走竇一夫闕本
作矢斬頸羣雛枯

將歸贈孟東野房蜀客

蜀客名
次卿

君門不可入勢利

一作力

互相推借問讀書客胡為在京

師舉頭未能對閉眼聊自思倏忽十六年終朝苦寒飢
宦途竟寥落鬢髮坐差池頰水清且寂箕山坦而夷如

今便當去吐吐無自疑

答孟郊

規模

一作謀

背時利文字覩天巧人皆餘酒肉子獨不得

飽纔春思已亂始秋悲又攪朝餐動及午夜諷恒至卯

名聲暫羶腥腸肚鎮煎爍

音炒

古心雖自鞭世路終難拗

弱拒喜張臂猛拏閒縮爪見倒誰肯扶從嗔我須齧

從仕

居閒食不足從仕力難任兩事皆害性一生恒苦心黃

昏歸私室惆悵起歎音棄置人間世古來非獨今

短燈檠歌

長檠八尺空自長短檠二尺便且光黃簾綠幕朱戶閉
風露氣入秋堂涼裁衣寄遠淚眼暗搔頭頻挑移近牀
太學儒生東魯客二十辭家來射策夜書細字綴語言
兩目眇音癡昏頭雪白此時提攜當案前看書到曉那能
眠一朝富貴還自恣長檠高張照珠翠吁嗟世事無不
然牆角君看短檠棄

送劉師服

夏半陰氣始淅然雲景秋蟬聲入客耳驚起不可留草
草具盤饌不待酒獻酬士生為名累有似魚中鈎齋材
入市賣貴者恒難售豈不畏顛顛為功忌中休勉哉耘
其業以待歲晚收

御定全唐詩卷三百四十

欽定四庫全書薈要卷一萬七千七百四十六

集部

御定全唐詩卷三百四十一

韓愈

符讀書城南

符愈之子城南愈別墅

木之就規矩在梓匠輪輿人之能為人由腹有詩書詩
書勤乃有不勤腹空虛欲知學之力賢愚同一初由其
不能學所入遂異閭兩家各生子提孩巧相如少長聚
嬉戲不殊同隊魚年至十二三頭角稍相疎二十漸乖

張清溝映汙渠三十骨骼音格成乃一龍一豬飛黃騰踏

去不能顧蟾蜍一為馬前卒鞭背生蟲蛆一為公與相

潭潭府中居問之何因爾學與不學歟金辟雖重寶費

用難貯儲學問藏之身身在則有餘君子與小人不繫

父母且不見公與相起身自犁鋤不見三公後寒飢出

無驢文章豈不貴經訓乃蓄畚潢潦無根源朝滿夕已

除人不通古今馬牛而襟裾行身陷不義况望多名譽

時秋積雨霽新涼入郊墟燈火稍可親簡編可卷舒豈

不旦夕念為爾惜居諸恩義有相奪作詩勸躊躇

示爽

宣城去京國里數逾三千念汝欲別我解裝具盤筵日
昏不能散起坐相引牽冬夜豈不長達旦燈燭然座中
悉親故誰肯捨汝眠念汝將一身西來曾幾年名科一作

科名揜衆俊州考居吏前今從府公召府公又時賢時輩

千百人孰不謂汝妍汝來江南近里閭故依然

宣城在江之南

愈有別業在焉昔日同戲兒看汝立路邊人生但如此其實亦

可憐吾老世味薄因循致留連強顏班行內何實非罪
愆才短難自力懼終莫洗湔臨分不汝誑有路即歸田
人日城南登高

初正候纔兆涉七氣已弄靄靄野浮陽暉暉水披凍聖
朝身不廢佳節古所用親交既許來子姝同姪亦可從盤

蔬冬春雜尊酒清濁共令徵前事為觴詠新詩送扶杖

凌圯阯

或作
址

刺船犯枯葑戀池羣鴨回釋嶠孤雲縱人

生本坦蕩誰使妄倥傯直指桃李闌幽尋寧止重

病鵑

屋東惡水溝有鵑墮鳴悲青泥揜

一作淹

兩翅拍拍不得

離羣童叫相召瓦礫爭先之計校生平事殺却理亦宜

奪攘不媿耻飽滿盤天嬉晴日占光景高風恣

一作送

追

隨遂

一作擬

凌鸞

一作紫

鳳羣肯顧鴻鵠

一作鵠

卑今者命運

一作運命

窮遭逢巧丸兒中汝要害處汝能不得施於吾乃

何有不忍乘其危丐汝將死命浴以清水池朝餐輟魚
肉暝宿防狐狸自知無以致蒙德久猶疑飽入深竹叢

飢來傍階基亮無責報心固以聽所為昨日有氣力飛
跳弄藩籬今晨忽徑去曾不報我知僥倖非汝福天衢
汝休窺京城事彈射豎子不一作易欺勿諱泥坑辱泥
坑乃良規

華山女

街東街西講佛經撞鐘吹螺闌宮庭廣張罪福資一作恣

誘脅聽衆狎恰

唐人語

排浮萍黃衣道士亦講說座下寥

落如明星華山女兒家奉道欲驅異教歸僊靈洗粧拭

面著冠帔白咽紅頰長眉青遂來陞座演真訣觀門不
許人開局不知誰人暗相報訇然振動如雷霆掃除衆
寺人跡絕驂騑塞路連輜輶觀中人滿坐觀外後至無
地無由聽抽簪一作脫釧解環佩堆金壘玉光青一作
熒天門貴人傳詔召六宮願識師顏形玉皇頷首許歸
去乘龍駕鶴來青冥豪家少年豈知道來遶百市脚不
停雲牕霧閣事恍惚重重翠幕深金屏僊梯難攀俗緣
重浪憑青鳥通丁寧

讀皇甫湜公安園池詩書其後二首

晉人目二子其猶吹一呬

音血小聲莊子道堯舜於戴晉人之前譬猶一呬也戴姓

晉人名梁之賢者

區區自其下顧肯挂牙舌春秋書王法不誅

其身爾雅注蟲魚定非磊落人湜也困公安不自閒

一本有其閒二字

窮年枉智思倚撫糞壤

一本有閒字

污穢豈有臧

誠不如兩忘但以一槩量

我有一池水蒲葦生其間蟲魚沸相嚼日夜不得閒我初往觀之其後益不觀觀之亂我意不如不觀完用將

濟諸人捨得業孔顏百年詎幾時君子不可閒

一本連前詩合

首作一

路傍堠

以下四篇並元和十四年出為潮州作

堆堆

唐本作堆堆

路傍堠

音后

一雙復一隻迎我出秦關送我入楚

澤千以高山遮萬以遠

一作大

水隔吾君勤聽治照與日月

敵臣愚幸可哀臣罪庶可釋何當迎送歸緣路高厯厯

食曲河驛

驛在商鄧間

晨及曲河驛悽然自傷情羣鳥

一作鳥

巢庭樹乳燕

一作雀

飛簷楹而我抱重罪子子萬里程親戚頓乖角

一作權

圖

史棄縱橫下負明

一作朋

義重上孤朝命榮殺身諒無補

何用

一作由

答生成

過南陽

南陽郭門外桑下麥青青行子去未已春鳩鳴不停秦

商邈既遠湖海浩將經孰忍生以感

一作蹙

吾其寄餘齡

瀧吏

南行逾六旬始下昌樂瀧

韶州樂昌有昌山有樂石瀧在縣上十里

險惡不

可狀船石相舂撞往問瀧頭吏潮州尚幾里行當何時

到土風復何似瀧吏垂手笑官何問之愚譬官居京邑

一作譬如何由知東吳東吳遊宦鄉官知自有由潮州

官居北

底處所有罪乃竄流儂幸無負犯何由到而知官今行
自到那遽妄問為不虞卒見困汗出媿且駭吏曰聊戲

官儂嘗使往罷嶺南大抵同官去道苦遼下此三千里

有州始名潮惡溪瘴毒聚雷電常洶洶鱷魚大於船牙

眼怖殺儂州南數十里有海水

一作水

無天地颶風有時作

掀簸真差

去聲

事聖人於天下於物無不容比聞此州囚

亦有生還儂官無嫌此州固罪人所徙

閩本作官嫌此州惡固人之所

徙

官當明時來事不待說委官不自謹慎宜即引分往

胡為此水邊神色久懍懍

音罔

大鉗鬻小所任自有宜

官何不自量滿溢以取斯工農雖小人事業各有守不

知官在朝有益國家不得無虱其間

商君以仁義禮樂為虱官曰六虱成

俗兵必大敗

不武亦不文仁義飭其躬巧姦敗羣倫叩頭謝

吏言始慚今更羞歷官二十餘國恩竝未酬凡吏之所

訶嗟實頗有之不即金木誅敢不識恩私潮州雖云遠
雖惡不可過於身實已多敢不持自賀

贈別元十八協律六首

元十八集虛見白樂天
集桂林伯桂管觀察使

裴行

立也

知識久去

一作絕

眼吾行其既遠曹曹莫訾省

史記膠西
王傳遂為

無訾省蘇林謂為無
訾錄無所省錄也

默默但寢飯子兮何為者冠珮立

憲憲何氏之從學蘭蕙已滿畹於何翫其光以至歲向
晚治惟尚和同無俟於蹇蹇或師絕學賢不以藝自輓

子兮獨如何能自媚婉婉金石出聲音宮室發闕楨何
人識章甫而知駿蹄踠惜乎吾無居不得留息偃臨當
背面時裁詩示繾綣

英英桂林伯實惟文武特遠勞從事賢

謂元協律

來弔逐臣

色南裔多山海道里屢紆直風波無程期所憂動不測
子行誠艱難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇寤
寐想風采於今已三年不意流竄路旬日

一作兼旬

同食眠

所聞昔已多所得今過前如何又須別使我抱悵悵
勢要情所重排斥則埃塵骨肉未免然又况四海人嶷
嶷桂林伯矯矯義勇身生平所未識待我逾交親遺我
數幅書繼以藥物珍藥物防瘴癘書勸養形神不知四
罪地豈有再起辰窮途致感激肝膽還輪囷

讀書患不多思義患不明患足已不學既學患不行子
今四美具實大華亦榮王官不可闕未宜後諸生嗟我
擯南海無由助飛鳴

寄書龍城守君驥何時秣峽山逢颶風雷電助撞梓昨沒

切乘潮簸扶胥

地名在廣州

近岍指一髮兩巖雖云牢水

一作

木

石牙飛發屯門

地名

雖云高亦映波浪沒余罪不足惜

子生未宜忽胡為不忍別感謝情至骨

初南食貽元十八協律

鱉音實如惠文骨眼相負行

地里志鱉形如惠文冠巖表錄異鱉眼在背雌負雄

而蠓相黏為山百十各自生

嶺表錄異蠓即牡蠣也初生海邊如拳石四面漸長

高一二丈者嶢巖如山

蒲魚尾如蛇口眼不相營

蒲魚即鱈魚營一作縈

蛤

即是蝦蟇同實浪異名

本草注青蛙龜蛤長脚蠍子皆蝦蟇之類

章舉

有八脚身

上有肉如白亦曰章魚

馬甲柱

即江瑶柱

鬪以怪自呈其餘數十種莫

不可歎驚我來禦魑魅自宜味南烹調以鹹與酸芼以椒與橙腥臊始發越咀吞面汗駢惟蛇舊所識實憚口眼獐開籠聽其去鬱屈尚不平賣爾非我罪不屠豈非情不祈靈珠報幸無嫌怨并聊歌以記之又以告同行

宿曾江口示姪孫湘二首

湘字北渚老成之子愈兄弇之孫此赴潮

州作

也

雲昏水奔流天水泝相圍三江滅無口

曾江有三江合流今混為一不

見江口

其誰識涯圻暮宿投民村高處水半扉犬雞俱上

屋不復走與飛篙舟入其家暝聞屋中啼問知歲常然
哀此為生微海風吹寒晴波揚衆星輝仰視北斗高不
知路所歸

舟行忘故道屈曲高林間林間無所有奔流但潺潺嗟
我亦拙謀致身落南蠻茫然失所詣無路何能還

答柳州食蝦蟆

蝦蟆雖水居水特變形貌強號為蛙蛤於實無所校雖

然兩股長其奈脊皴

音透

皴

音砲

跳躑

雖云

高意

一作竟

不離

竟

一作

不離

寧淖鳴聲相呼和無理只取鬧周公所不堪灑灰垂典

教我棄愁海濱恒願眠不覺

音教

巨堪

朋類

多涕

耳作

驚

爆端能敗笙磬仍工亂學校雖蒙句踐禮竟不聞報效

大戰元鼎年

漢武

元鼎

五年

秋

龜

蝦

蟆

鬪

孰強

孰敗

橈

居然

當鼎

味

豈不辱釣罩余初不下喉近亦能稍稍常懼染蠻夷失

平生好樂而君復何為甘食比豢豹獵較務同俗全身

斯為孝哀哉思慮深未見許回權

別趙子

趙子名德潮州人愈刺潮德攝海陽尉
督州學生徒愈移袁州欲與俱不可詩

以別
之

我遷於揭陽

揭陽漢縣屬南海
郡至唐為湘州

君先揭陽居揭陽去京

華其里萬有餘不謂小郭中有子可與娛心平而行高

兩通詩與書婆娑海水南簸弄明月珠及我遷宜春

袁州

意欲攜以俱擺頭笑且言我豈不足歟又奚為於北

一作此

往來以紛如海中諸山中幽子

隱士也

頗不無相期風濤

觀已久不可渝又嘗疑龍蝦果誰雄牙鬚蚌羸魚鼈蟲
瞿瞿以狙狙識一已忘十大同細自殊欲一窮究之時
歲屢謝除今子南且北豈非亦有圖人心未嘗同不可
一理區宜各從所務未用相賢愚

除官赴闕至江州寄鄂岳李大夫

李程也元和十五年自袁

州詔拜國子祭
酒行次益城作

益城去鄂渚風便一日耳不枉故人書無因帆

去聲

江水

故人辭禮闈旌節鎮江圻而我竄逐者龍鍾初得歸別

來已三歲望望長迢遞咫尺不相聞平生那可計我齒

落且盡君鬢

一作鬚

白幾何年皆過半百來日苦無多少

年樂新知哀暮思故友譬如親骨肉寧免相可不我昔
實愚蠢不能降色辭子犯亦有言臣猶自知之公其務
貫音世過我亦請改事桑榆儻可收願寄相思字

南山有高樹行贈李宗閔

鳳凰謂裴度何山鳥謂李宗閔挾丸子及黃

鳴謂李德裕李紳元稹也初度伐蔡引宗閔為

彰義觀察判官蔡平進知制誥長慶初錢徽典

貢舉宗閔托所親於徽德裕及紳稹共發其事

宗閔坐貶劍州刺史俄復為中書舍人由是嫌

怨顯結縉紳之禍四十餘年不解此贈詩宗閔
初貶時作也後篇猛虎行宗閔復入後作也

南山有高樹花葉何哀哀

考張衡南都賦當作蓂蓂

上有鳳皇巢鳳

皇乳且棲四旁多長枝羣鳥所托依黃鵠據其高衆鳥

接一作棲

其卑不知何山鳥羽毛有光輝飛飛擇所處正

得衆所希上承鳳皇恩自期永不衰中與黃鵠羣不自

隱其私下視衆鳥羣汝徒竟何為不知挾丸子心默有

所規彈汝枝葉間汝翅不覺摧或言由黃鵠黃鵠豈有

之慎勿猜衆鳥衆鳥不足猜

一作疑

無人語鳳皇汝屈安

得知黃鵠得汝去婆娑弄毛衣前汝下視鳥各議汝瑕
疵汝豈無朋匹有口莫肯開汝落蒿艾間幾時復能飛
哀哀故山友中夜思汝悲路遠翅翎短不得一作能持汝
歸

猛虎行

諸本有贈
李宗閔字

猛虎雖云惡亦各有匹儕羣行深谷間百獸望風低身
食黃熊父子食赤豹麋擇肉於熊豹肯視兔與狸正晝
當谷眠眼有百步威自矜無當對氣性縱以乖朝怒殺

其子暮還食

一作殮

其妃匹儕四散走猛虎還孤棲狐鳴

門兩旁烏鵲從噪之出逐猴

一作雅

入居虎不知所歸誰

云猛虎惡中路正悲啼豹來銜其尾熊來攫其頤猛虎

死不辭但慚前所為虎坐

一作兕

無助死况如汝細微故

當結以信親當結以私親故且不保人誰信汝為

御定全唐詩卷三百四十一

欽定四庫全書薈要卷一萬七千七百四十七

集部

御定全唐詩卷三百四十二

韓愈

雪後寄崔二十六丞公

斯立

藍田十月雪塞關我興南望愁羣山攢天嵬嵬

一作嵬嵬

凍

相映君乃寄命於其間秩卑俸薄食口衆豈有酒食開
容顏殿前羣公賜食罷驩躡路驕且閒稱多量少鑒
裁密豈念幽桂遺榛菅幾欲犯嚴出薦口氣象碑兀未

可攀歸來殞涕揜闕臥心之紛亂誰能刪詩翁憔悴斲

荒棘

謂孟郊

清玉刻佩聯玦環腦脂遮眼臥壯士

謂張籍病眼

大詔挂壁無由彎乾坤惠施萬物遂獨於數子懷偏慳
朝欹暮喑不可解我心安得如石頑

送僧澄觀

李邕泗州普光王寺碑僧伽者龍朔中西來嘗縱觀臨淮發念置寺既成

中宗賜名普光王寺以景龍四年三月二日示滅於京後澄觀建僧伽塔於泗州

浮屠西來何施為擾擾四海爭奔馳構樓架閣切星漢
誇雄鬪麗止者誰僧伽後出淮泗上勢到衆佛尤恢竒

越商胡賈脫身罪珪璧滿船寧計資清淮無波平如席
欄柱傾扶半天赤火燒水轉掃地空突兀便高三百尺
影沈潭底龍驚遁當畫無雲跨虛碧借問經營本何人
道人澄觀名籍籍愈昔從軍大梁下往來滿屋賢豪者
皆言澄觀雖僧徒公才吏用當今無後從徐州辟書至
紛紛過客何由記人言澄觀乃詩人一座競吟詩句新
向風長歎不可見我欲收斂加冠巾洛陽窮秋厭窮獨
丁丁啄門疑啄木有僧來訪呼使前伏犀插腦高頰權

惜哉已老無所及坐晚神骨空潛然臨淮太守初到郡
遠遣州民送音問好奇賞俊直難逢去去為致思從容

山南鄭相公樊員外酬答為詩其末咸有見及

語樊封以示愈依賦十四韻以獻

鄭餘慶樊宗師也餘慶元

和九年為山南西道節度使宗師為副

梁維西南屏山厲水刻屈稟生肖勦剛

勦音巢輕捷也

難諧在

民物榮公

餘慶封榮陽郡公

鼎軸老烹幹

烹謂烹擊幹幹旋猶宰制也

力健

偃帝咨女子往牙毒縣前盆拂

盆蒲悶切拂音佛或作拂拂埽塵起貌

威風

挾惠氣益壤兩廟拂茫漫華黑間指畫變悅歛誠既富

而美章彙霍炳蔚日延講大訓龜判錯袞黻

公羊傳寶者何璋判

白龜青純何休注判半也半珪曰璋龜判言其所執袞黻言其所服

樊子坐賓署演孔刮

老佛金春撼玉應厥臭劇蕙鬱遺我一言重跽受惕齋

慄辭慳義卓濶呀豁疚拮据

呀豁隙也疲勞也因其隙竅力加拮据拮据者討

究如新去聳聳雷霆逼颶颶

於聿切聳聳耳垢也如新去耳垢却聞雷霆颶颶也

綴此豈為訓俚言紹莊屈

奉和武相公鎮蜀時詠使宅韋太尉所養孔雀

武元衡
韋臯也

穆穆鸞鳳友何年來止茲飄零失故態隔絕抱長思翠
角高獨聳金華煥相差坐蒙恩顧重畢命守堦墀

感春三首

偶坐藤樹下暮春下旬間藤陰已可庇落葉還漫漫
疊新葉大瓏瓏晚花乾青天高寥寥兩蝶飛翻翻
時節適當爾懷悲自無端

一作
翩翩

黃黃蕪菁花桃李事已退狂風簸枯榆狼籍九衢內春

序一如此汝顏安足賴誰能駕飛車相從觀海外
晨遊百花林朱朱兼白白柳枝弱而細懸樹垂百尺左
右同來人金紫貴顯劇嬌童為我歌哀響跨箏笛艷姬
蹋筵舞清眸刺劒戟心懷平生友莫一在燕席死者長
眇芒生者困乖隔少年真可喜老大百無益

早赴街西行香贈盧李二中舍人

盧汀李
逢吉也

天街東西異祇命遂成遊月明御溝曉蟬吟堤樹秋老
僧情不薄僻寺境還幽寂寥二三子歸騎得相收

晚寄張十八助教周郎博士

張籍周況也
況愈之從壻

日薄

一作落

風景曠出歸偃前簷晴雲如擘絮新月似磨

鎌田野興偶動衣冠情久厭吾生可攜手歎息歲將淹

題張十八所居

籍

君居泥溝上溝濁萍青青蛙謹橋未掃蟬嚙門長局名
秩後千品詩文齊六經端來問竒字為我講聲形

奉酬盧給事雲夫四兄曲江荷花行見寄并呈

上錢七兄徽閣老張十八助教

曲江千頃秋波淨，平鋪紅雲蓋明鏡。
大明宮中給事歸，走馬來看立不正。
遺我明珠九十六，寒光映骨睡驪目。

我今官閒得婆娑

時自中書舍人降太子右庶子

問言何處芙蓉多，撐

舟昆明度雲錦，脚敲兩舷叫吳歌。
太白山高三百里，負雪崔嵬插花裏。
玉山前却不復來，曲江汀滢水平盃。
我時相思不覺一回首，天門九扇相當開。
上界真人足官府，豈如散仙鞭笞鸞鳳終日相追陪。

奉和錢七兄

徽

曹長益池所植

翻翻江浦荷而今生在此擢擢菰葉長芳根復誰從露
涵兩鮮翠風蕩相磨倚但取主人知誰言益盎是

記夢

夜夢神官與我言羅縷道妙角與根挈攜陬維口瀾翻
百二十刻須臾間我聽其言未云足捨我先度橫山腹
我徒三人共追之一人前度安不危我亦平行躡翫

丘 召

切翫 牛 召 神完骨躡脚不掉側身上視溪谷盲杖撞玉

切

版聲彭翫神官見我開顏笑前對一人壯非少石壇坡

陀可坐臥我手承頰音孩肘拄座隆樓傑閣磊嵬高天風

飄飄吹我過壯非少者哦七言六字常語一字難我以

指撮白玉丹行且咀噍行詰盤口前截斷第二句綽虐

顧我顏不歡乃知仙人未賢聖護短憑愚邀我敬我能

屈曲自世間安能從汝巢神山

南內朝賀歸呈同官

唐長安有三內皇城在西
北隅謂之西內東內曰大

明宮在西內之東南內
曰興慶宮在東內之南

薄雲蔽秋曦清雨不成泥罷賀南內衙歸涼曉淒淒綠

槐十二街

中朝事跡云天街兩
畔樹槐俗號為槐街

渙散馳輪蹄余惟贛書

生孤身無所齎三黜竟不去致官九列齊豈惟一身榮

佩玉冠簪犀滉蕩天門高著籍朝厥妻文才不如人行

又無町畦問之朝廷事畧不知東西況於經籍深豈究

端與倪君恩太山重不見酬稗稊所職事無多又不自

提撕明庭集孔鸞曷取於鳧鷖樹以松與柏不宜間蒿

藜婉孌自媚好幾時不見擠貪食以忘軀

音鮮

不調鹽

醯法吏多少年磨淬出角圭將舉汝愆尤以為已階梯

收身歸闕東期不到死迷

朝歸

我我進賢冠耿耿水蒼佩服章豈不好不與德相對顧
影聽其聲赧顏汗漸背進乏犬雞效又不勇自退坐食
取其肥無堪等聾聵長風吹天墟秋日萬里曠抵暮但
昏眠不成歌慷慨

雜詩四首

朝蠅不須驅暮蚊不可拍蠅蚊滿八區可盡與相格得

時能幾時與汝恣啖咋涼風九月到掃不見蹤跡

鵲鳴聲楂楂鳥噪聲撲撲爭鬪庭宇間持身博彈射黃
鵠能忍飢兩翅久不擘蒼蒼雲海路歲晚將無獲

截橈為樽櫨斲楹以為椽束蒿以代之小大不相權雖
無風雨災得不覆且顛解轡棄騏驥蹇驢鞭使前崑崙
高萬里歲盡道苦遭停車臥輪下絕意於神僊

雀鳴朝營食鳩鳴暮覓羣獨有知時鶴雖鳴不緣身啖
蟬終不鳴有抱不列陳蛙黽鳴無謂閤閤祇亂人

讀東方朔雜事

漢武帝內傳帝好長生七夕西
王母降其宮索桃七枚以四枚

與帝自食三枚曰此桃三千年一實時東方朔
從殿東廂朱鳥牖中窺母母謂帝曰此窺牖兒
嘗三來偷吾桃昔為太山上仙官今到方丈擅
弄雷電激波揚風風雨失時陰陽錯迕致令蛟
鯨陸行海水暴竭黃鳥宿淵於是九潦丈人乃
言於太上遂謫人間其後朔一旦乘龍飛去不
知所在

嚴嚴

古嚴
嚴通

王母宮下維萬仙家噫欠為飄風

聚氣為噫
張口為欠

濯手大雨沱方朔乃豎子驕不加禁訶偷入雷電室鞦

音轟 輶

音輶

掉狂車王母聞以笑衛官助呀呀不知萬萬人

生身埋泥沙簸頓五山踣

音

流漂八維蹉白吾兒可憎

奈此狡獪何方朔聞不喜褫身絡蛟蛇瞻相北斗柄兩

手自相接

音

羣仙急乃言百犯庸不科向觀睥睨處事

在不可赦

音

欲不布露言外口實諠譁王母不得已顏

頰口齋嗟頷頭可其奏送以紫玉珂方朔不懲創挾思

更矜誇詆欺劉天子正晝溺殿衙一旦不辭訣攝身凌

蒼霞

譴瘡鬼

屑屑水帝魂
謝謝無餘輝
如何不肖子
尚奮瘡鬼威
乘秋作寒熱
翁媪所罵譏
求食歐泄間
不知臭穢非
醫師加百毒
熏灌無停機
灸師施艾炷
酷若獵火圍
詛師毒口
牙舌作霹靂
飛符師弄刀
筆丹墨交橫
揮咨汝之曹
出門戶何巍巍
祖軒而父頊
未沫於前徽
不修其操行
賤薄似汝稀
豈不忝厥祖
醜然不知歸
湛湛江水清
歸居安汝妃
清波為裳衣
白石為門畿
呼吸明月光
手掉芙蓉旂
降集隨九歌
飲芳而食菲
贈汝以好辭
吐汝去

莫違

示兒

始我來京師止攜一束書辛勤三十年以有此屋廬此

屋豈為華於我自有餘中堂高且新四時登牢蔬前榮

屋檐為榮前榮即南榮也

饌賓親冠婚之所於庭內無所有高樹八

九株有藤婁絡之

婁音縷莊子有卷婁者註卷婁猶拘攣也

春華夏陰敷東

堂坐見山雲風相吹噓松果連南亭外有瓜芋區區西偏屋不多槐榆翳空虛山鳥旦夕鳴有類澗谷居主婦治

北堂膳服適戚疎恩封高平君子孫從朝裾

一作車

開門

問誰來無非卿大夫不知官高卑玉帶懸金魚問客之所為我冠講唐虞酒食罷無為棊槊以相娛凡此座中人十九持釣樞又問誰與頻莫與張樊如來過亦無事考評道精麤躑躑媚學子墻屏日有徒以能問不能其蔽豈可祛嗟我不修飾事與庸人俱安能坐如此比肩於朝儒詩以示兒曹其無迷厥初

庭楸

庭楸止五株共生十步間各有藤繞之上各相鈎聯下
葉各垂地樹顛各雲連朝日出其東我常坐西偏夕日
在其西我常坐東邊當晝日在上我在中央間仰視何
青青上不見纖穿朝暮無日時我且八九旋濯濯晨露
香明珠何聯聯夜月來照之蓓蓓自生煙我已自頑鈍
滯一作重遭五楸牽客來尚不見肯到權門前權門衆所
趨有客動百千九牛亡一毛未在多少間往既無可顧
不往自可憐

翫月喜張十八員外以王六秘書至

王六王
建也

前夕雖十五月長未滿規君來

一作
未

晤我時風露渺無

涯浮雲散白石天宇開青池孤質不自憚中天為君施
翫翫夜遂久亭亭曙將披况當今夕圓又以嘉客隨惜
無酒食樂但用歌嘲為

和李相公攝事南郊覽物興懷呈一二知舊

李相

公逢

吉也

燦燦辰角曙亭亭寒露朝川原共澄暎雲日還浮飄上

宰巖祀事清途振華鑣圓丘峻且坦前對南山標村樹
黃復綠中田稼何饒顧瞻想巖谷興歎倦塵囂惟彼顛
瞑者去公豈不遼為仁朝自治用靜兵以銷勿憚吐捉
捉一作握字本史記今人
用吐握本韓詩外傳也勤可歌風雨調聖賢相遇少
功德今宣昭

和裴僕射相公假山十一韻

公乎真愛山看山旦連夕猶嫌山在眼不得着脚歷枉
語山中人勾我澗側石有來應公須歸必載金帛當軒

乍駢羅隨勢忽開坼有洞若神剗有巖類天劃終朝巖
洞澗歌鼓燕賓戚孰謂衡霍期一作奇近在王侯宅傅氏
築已卑磻溪釣何激逍遙功德下不與事相撓樂我盛
明朝於焉傲今昔

與張十八同效阮步兵一日復一日

一日復一日一朝復一朝祇見有不如不見有所趨食
作前日味事作前日調不知久不死憫憫尚誰要富貴
自縶拘貧賤亦煎焦俯仰未得所一世已解鑣譬如籠

中鶴六翮無所搖譬如兔得蹄安用東西跳還看古人
書復舉前人瓢未知所究竟且作新詩謠

送諸葛覺往隨州讀書

李繁時為隨州刺史宰相泌之子也

鄴侯家多書插架三萬軸一一懸牙籤新若手未觸為
人強記覽過眼不再讀偉哉羣聖文磊落載其腹行年
五十餘一作餘出守數已六京邑有舊廬不容久食宿
臺閣多官員無地寄一足我雖官在朝氣勢日局縮屢
為丞相言雖懇不見錄送行過漣一作淮水東望不轉目

今子從之遊學問得所欲入海觀龍魚矯翮逐黃鵠勉
為新詩章月寄三四幅

南溪始泛三首

此詩乃長慶間以病在告日所作

榜舟南山下

一作溪上

上上不得返幽事隨去多

一作幽尋事隨去

孰能量近遠陰沈過連樹藏昂抵橫坂石麤肆磨礪波
惡厭牽挽或倚偏岼漁竟就平洲飯點點暮雨飄梢梢
新月偃餘年憶無幾休日愴已晚自是病使然非由取
高蹇

一作蹇

南溪亦清駛而無檝與舟山農驚見之隨我

觀不休不惟兒童輩或有杖白頭饋我籠

一作籬

中瓜勸

我此淹留我云以病歸此已頗自由幸有用餘俸置居
在西疇困倉米穀滿未有旦夕憂上去無得得下來亦
悠悠但恐煩里閭時有緩急投願為同社人雞豚燕春
秋

足弱不能步自宜收朝蹟羸形可輿致佳觀安事擲即
此南坂下久聞有水石拖舟入其間溪流正清激隨波
吾未能峻瀨乍可刺鷺起若導吾前飛數十尺亭亭柳


帶沙團團松冠
歸時還盡夜
誰謂非事後

御定全唐詩卷三百四十二

謹案卷三百四十二第七頁後四行束蒿以代之
按別本之作茨

第八頁前六行噫欠為飄風按別本欠作吹

第九頁前八行咄汝去莫違按昌黎集咄作出



總校官庶吉士臣張能照

校對官中書臣張頊

謄錄監生臣鄧肇槐